

**Republika e Kosovës**  
**Republika Kosova - Republic of Kosovo**  
**Qeveria - Vlada - Government**  
*Ministria e Pushtetit Lokal*  
*Ministarstvo Lokalne Samouprave*  
*Ministry of Local Government*

Për:	<b>Mytaher Haskuka, Kryetar i Komunës së Prizrenit</b> <b>Sulltan Badalli, Kryesues i Kuvendit të Komunës së Prizrenit</b>	
Kopje:	Njësisë për Administrimin e Dokumenteve në MPL Njësisë për Administrimin e Dokumenteve në Komunë	
Përmes:	<b>Goran Rakić</b> Zëvendës Kryeministër dhe Ministër i MPL-së <b>Rozafa Ukimeraj, Sekretare e Përgjithshme e MPL-së</b>	
Nga:	<b>Venera Çerkini, Udhëheqëse e Departamentit Ligjor dhe Monitorim të Komunave</b>	<b>Datë:</b> 25.08.2020 Nr.020-610
Zyrtaret përgjegjës:	1. Zyrtari konfirmues i vlerësimit ligjor 2. Zyrtari hartues i vlerësimit ligjor	
Lënda:	<b>Xhevat Tafa, Udhëheqës i Divizionit për Monitorim të Komunave</b> <b>Leonora Bajrami, Zyrtare për monitorim të komunave</b>	
Lloji i aktit:	Konfirmim i ligjshmërisë së aktit të Komunës së Prizrenit <input type="checkbox"/> Vendim i Kuvendit të Komunës	

I nderuar Kryetar,  
I nderuar Kryesues,

Në pajtim me Rregulloren e Qeverisë së Republikës së Kosovës Nr. 10/2019 për Shqyrtimin Administrativ të Akteve të Komunave, e në bazë të kompetencave ligjore të ministrisë të përcaktuara me ligjet bazike dhe Rregulloren e Qeverisë Nr. 06/2020 për Fushat dhe Përgjegjësitë Administrative të Zyrës së Kryeministrit dhe Ministrive, Departamenti Ligjor dhe Monitorim të Komunave i Ministrisë së Pushtetit Lokal ka pranuar për shqyrtim të detyrueshëm të ligjshmërisë ashtu siç parashihet me nenin 81 të Ligjit Nr. 03/L-040 për Vetëqeverisje Lokale aktin komunal në vijim:

Vendim i Kuvendit të Komunës për Miratimin e Memorandumit të Mirëkuptimit për Bashkëpunim Ndër-Komunal
I miratuar më datë: 18.08.2020
I parashtruar për shqyrtim në MPL më datë: 25.08.2020

Ministria e Pushtetit Lokal, pas shqyrtimit të përmbajtjes së aktit të komunës si më sipër, vlerëson se akti i komunës në aspektin procedural është në pajtim me dispozitat e legjislacionit në fuqi dhe si i tillë mund të prodhojë efekte juridike. Ministria e Pushtetit Lokal mbetet në dispozicion të komunës për çfarëdo sqarimi të mëtejshëm në lidhje me këtë vlerësim.



# Republika e Kosovës


Republika Kosovo - Republic of Kosovo

Qeveria - Vlada - Government

Ministria e Pushtetit Lokal

Ministarstvo Lokalne Samouprave

Ministry of Local Government



Za :	Mytaher Haskuka, gradonačelnik opštine Prizren Sultan Badalli,, predsedavajući Skupštine opštine Prizren
Cc:	Jedinici za administraciju dokumenata u MLS Jedinici za administraciju dokumenata u opštini
Preko:	Goran Rakić, zamenik premijera i ministar MLS-a Rozafa Ukimeraj, generalna sekretarka MLS-a,
Od:	Venera Çerkini, rukovodilac Pravnog odeljenja i monitorisanje opština /MLS
	Dana, 25.08.2020. br. 020-610
1.Službenik za potvrđivanje pravne procene:	Xhevat Tafa, rukovodilac Odseka za monitorisanje opština
Službenik za izradu:	Leonora Bajrami, službenica za monitorisanje opština
Predmet:	Potvrda zakonitosti akta Skupštine opštine Prizren
Vrsta odluke:	Odluka Skupštine opštine

Uvaženi gradonačelnice,

Uvaženi predsedavajući,

U saglasnosti sa uredbom Vlade Republike Kosova br. 10/2019 o administrativnom razmatranju opštinskih akata i na osnovu zakonskih ovlašćenja određenim osnovnim zakonima i Uredbom Vlade br. 06/2020 o oblastima odgovornosti administrativne Kancelarije premijera i ministarstva, Pravno odeljenje i monitorisanje opština MLS-a, primio je za obavezno razmatranje zakonitosti akta opštine kako je predviđeno članom 81. Zakona br. 03/L-040 o lokalnoj samoupravi kao u nastavku:

Odluka Skupštine opštine o usvajanju Memoranduma o razumevanju za međuopštinsku saradnju

Usvojena dana, 18.08.2020. godine,
Predložena za razmatranje u MLS dana, 25.08.2020. godine,

Ministarstvo lokalne samouprave, nakon razmatranja sadržaja gore navedenog akta opštine, procenjuje da je opštinski akt u proceduralnom aspektu u saglasnosti sa **zakonskim odrebama zakonodavstva na snazi** i kao takav može proizvesti pravni učinak.

Ministartstvo lokalne samouprave ostaje na raspolaganju opštini za dodatna objašnjenja u vezi sa ovom procenom.




Republika e Kosovës  
Republika Kosova - Kosova Cumhuriyeti

001-011-82829/24.08.2020



Komuna e Prizrenit  
Opština Prizren - Prizren Belediyesi

Ne baze të nenit 12, paragrafit 2, shkronja d), lidhur me nenin 28 dhe 29, të Ligjit Nr-03/L-040 për Vetëqeverisjen Lokale, nenit 4, nenit 5, lidhur me nenin 8 pika 2, të Ligjit Nr-04/L-010 për bashkëpunim ndër-komunal, nenit 15, 25 shkronja k) dhe 27 paragrafit 1 të Statutit të Komunës së Prizrenit, nr. 01/011-5643 të datës 15.10.2008, Kuvendi i Komunës së Prizrenit, në mbledhjen e 18 gusht 2020, miratoi këtë:



**V E N D I M**  
**PËR MIRATIMIN E MEMORANDUMIT TË MIRËKUPITIMIT PËR BASHKËPUNIM**  
**NDËR-KOMUNAL**

**Neni 1**

**MIRATOHET:** Memorandumi i Mirëkuptimit për bashkëpunim ndër-komunal, me numër të protokollit 01-Nr-87120 e datës 15.06.2020 e nënshkruar nga Kryetarët e Komunave të Republikës së Kosovës si vijon:

- 1.1. Komunës së Prizrenit të Republikës së Kosovës
- 1.2. Komunës së Suharekës të Republikës së Kosovës
- 1.3. Komunës së Dragashit të Republikës së Kosovës dhe
- 1.4. Komunës së Mamushes të Republikës së Kosovës.

2. Memorandumi i Mirëkuptimit ndër-komunal, është në kuadër të kompetencave të tyre vetanake me qëllim të ushtrimit me efikas dhe më efektiv të detyrave vetanake, konkretisht financimin e "Qendrës për strehimin e grave dhe fëmijëve".

**Neni 2**

Pjesë përbërëse e këtij vendimi është memorandumi i mirëkuptimit ndër-komunal, me numër të protokollit 01-Nr-87120 e datës 15.06.2020 e nënshkruar nga 4 (katër) Kryetarët e Komunave, përfaqësues të institucioneve shtetërore të nivelit lokal, të cekur në neni 1 të këtij vendimi.

**Neni 3**

Obligohet: Kryetari i Komunës dhe Drejtorja e Punës dhe Mirëqenies Sociale për zbatimin e këtij vendimi.

**Neni 4**

Ky Vendim, hyn në fuqi pas dërgimit në autoritetin mbikëqyrës, konformi nenit 81, të Ligjit për Vetëqeverisje Lokale nr. 03/L-040, si dhe publikimit në gjuhë zyrtare në ueb-faqen e Komunës.

**KOMUNA E PRIZRENIT**  
Kuvendi i Komunës  
Nr. 001/011-82829  
Me: 18 gusht 2020  
Prizren





8720  
15.06.2020

Republika e Kosovës - Republika Kosova - Republic of Kosovo



Komuna Prizren



Komuna  
Suharekë/SuvaReka



Komuna  
Dragash/Dragaš



Komuna  
Mamusha/  
Mamuša/Mamuša

### Memorandum Mirëkuptimi ndërmjet

Komunës së Prizrenit  
Komunës së Suharekës  
Komunës së Dragashit,  
Komunës së Mamushës.

dhe

### “Qendrës për strehimin e grave dhe fëmijëve”

Në përputhje me nenin 17.1.k të Ligjit për Vetëqeverisje Lokale (Ligji me nr. 03/L-040) dhe statutin e komunave përkatëse.

komuna e Dragashit, e Mamushës, e Prizrenit dhe e Suharekës (në tekstin e mëtejshëm: Komunitat) në njërin anë dhe

organizata joqeveritare që udhëheq me “Qendrën për Strehimin e Grave dhe Fëmijëve” (në tekstin e mëtejshëm: strehimorja) në anën tjetër, (të gjithë së bashku “palët”)

paftohen të nënshkruajnë këtë

### Memorandum Mirëbesimi

për mbulimin e pjesshëm të shpenzimeve të strehimores për një periudhë fillestare prej tre (3) viteve: 2020, 2021, 2022.

### Neni I – Përshkrimi i Memorandumit

1.1 Ky memorandum siguron mbështetje të pjesshme financiare, e caktuar në bazë të këtij dokumenti për nevojat e strehimores për mbrojtjen e viktimave të dhunës në familje dhe dhunës mbi bazën gjinore dhe formave të tjera të dhunës, për periudhën trevjeçare 2020 - 2022.

- 1.2 Strehimorja gjendet në komunën e Prizrenit dhe u shërben viktimave të dhunës në familje, dhunës me bazë gjinore si dhe viktimave të formave tjera të dhunës nga të katër (4) komunat, të cilat janë palë nënshkruese të këtij memorandumi.
- 1.3 Në rast se ndonjëra nga palët nënshkruese nuk dorëzon një njoftim tjetër deri në datën e përfundimit të këtij memorandumi, ky memorandum ripërtërihet automatikisht për të njëjtën kohëzgjatje dhe me të njëjtat kritere, duke filluar nga data 1 janar 2023.

#### **Neni 2 – Qëllimi i Memorandumit**

- 2.1 Komunat do të kontribuojnë bashkërisht për nevojat financiare të strehimores siç është shprehur në përmbajtjen dhe frymën e këtij dokumenti.
- 2.2 Shkalla e kontributit vjetor që duhet të paguajë secila komunë për strehimoren llogaritet në përpjesëtim të drejtë me popullsinë që banon në Komunën përkatëse. Gjatë periudhës tre-vjeçare 2020-2022, Komunat mund të rrisin vullnetarisht kontributet e tyre financiare, mirëpo jo edhe ta ulin shumën për të cilën janë pajtuar.

#### **Neni 3 – Detyrimet financiare**

- 3.1 Shuma vjetore e kontributit të secilës komunë drejt financimit të përgjithshëm vjetor të strehimores për periudhën trevjeçare 2020-2022, në përputhje me numrin e popullsisë në secilën komunë, është si në vijim:

Komuna e Prizrenit:	€ 6.450
Komuna e Suharekës:	€ 2.200
Komuna e Dragashit:	€ 1.230
Komuna e Mamushës:	€ 1.000

- 3.2 Secila komunë siguron pjesën e caktuar të kontributit të vet financiar (shih 3.1) për secilin vit fiskal përkatës, përmes një kësti të vetëm që paguhet në xhirlologarinë e Strehimores, përbrenda tremujorit të parë të secilit vit fiskal. Kjo formë e pagesës do të jetë e vlefshme për tërë kohëzgjatjen e këtij memorandumi, përgjatë viteve 2020, 2021, 2022 si dhe më pas, në rast se ripërtërihet.
- 3.3 Format e pagesës mund të rishqyrtohen dhe të vendosen nga Komunat tre (3) muaj para përfundimit të këtij memorandumi, përmes një marrëveshjeje të veçantë e cila do të bëhet pjesë përbërëse e këtij memorandumi.

#### **Neni 4 – Dispozitat përfundimtare**

- 4.1 Para datës 31 janar të secilit vit fiskal, Strehimorja i paraqet secilës komunë raportin përfundimtar financiar, i cili konsiderohet si parakusht për shpërndarjen e kontributit financiar për vitin e ardhshëm. Format e lartpërmendura të raportimit do të vazhdojnë deri në përfundimin e memorandumit.
- 4.2 Në rast se strehimorja nuk raporton për shpenzimet e veta siç kërkohet në nenin 4.1 të këtij memorandumi, secila Komunë mund të ndalojë pagesën përkatëse deri në momentin kur informacioni i kërkuar të jetë siguruar plotësisht.

4.3 Ky memorandum hyn në fuqi në ditën e nënshkrimit nga palët dhe pas vlerësimit të ligjshmërisë nga Ministria e administrimit të pushtetit lokal si dhe publikimit në Gazetën Zyrtare të Kosovës.

4.4 Kryetari i secilës komunë dhe drejtori apo drejtoresha e strehimoren ka për detyrë të sigurojë zbatimin e plotë të pjesëve përkatëse të dispozitave të dakorduara në kuadër të këtij memorandum.

#### Neni 5 – Mosmarrëveshjet

5.1 Mosmarrëveshjet ndërmjet palëve do të zgjidhen sipas vullnetit të mirë të palëve.

Prizren, 15 qershor 2020


Palët nënshkruese:

#### Për Komunat


Mytahir Haskuka, Kryetar  
Komuna e Prizrenit




Bali Muharemaj, Kryetar  
Komuna e Suharekës



Shaban Shaban, Kryetar  
Komuna e Dragashit



Abdülhadi Krasniç, Kryetar  
Komuna e Mamushës



#### Për Strehimoren

Jubilea Kabashi, Drejtoreshë  
Qendra për Strehimin e Grave dhe Fëmijëve



## Leonora Bajrami

---

**From:** Besa Shala  
**Sent:** Wednesday, August 26, 2020 12:17 PM  
**To:** Leonora Bajrami  
**Cc:** Trim Berisha; Blerta Halimi; Rexhep Kelani; Zijadin Biqkaj  
**Subject:** FW: Aktet e KK Prizren  
**Attachments:** 020-610-2020\_1.pdf

Të nderuar/a,  
Vendimi për miratimin e Memorandumit të Mirëkuptimit për bashkëpunim ndërkomunal ne mes komunave: Prizren, Suharekë, Dragash dhe Mamushë është në harmoni me legjislacionin në fuqi.

Me respekt,

Besa Shala

---

**From:** Leonora Bajrami  
**Sent:** 25 August 2020 15:51  
**To:** Blerta Halimi; Besa Shala  
**Cc:** Venera Çerkini; Xhevat Tafa; Trim Berisha  
**Subject:** Aktet e KK Prizren

Pershendetje

Të nderuara po ju përcjellë Vendimin e Kuvendit të Komunës së Prizrenit, lidhur me Vendimin për miratimin e Memorandumit të Mirëkuptimit për bashkëpunim ndërkomunal, andaj kërkoj nga Divizioni juaj për bashkëpunim ndër komunal si divizion kompetent, që ta jepni mendimin se a është në harmoni me legjislacionin në fuqi dhe a i plotëson kushtet për ta konfirmuar ligjshmërinë

Pres përgjigjen në afat sa më të shpejtë që është e mundur në mënyrë që ta kthejmë përgjigjen në komunë brenda afatit.

Ju faleminderit për bashkëpunimin!

Me respekt  
Leonora